

奔豚氣篇 (第1頁)

心痛短氣篇 (第4頁)

寒疝宿食篇 (第12頁)

風寒秋瘧篇 (第25頁)

吐衄下血胸滿瘀血篇 (第35頁)

金鑑
卷之二十

金鑑

卷三

御纂醫宗金鑑卷二十

訂正仲景全書金匱要畧註中之一目錄

奔豚氣篇第八

桂枝加桂湯

奔豚湯

茯苓桂枝甘草大棗湯

胸痺心痛短氣篇第九

栝蘘薤白白酒湯

栝蘘薤白半夏湯

烏頭赤石脂圓

薤苳附子散

茯苓杏仁甘草湯

橘皮枳實生薑湯

枳實薤白桂枝湯

人參湯

桂枝生薑枳實湯

腹滿寒疝宿食篇第十

附子粳米湯

大建中湯

赤丸

厚朴三物湯

大黃附子湯

厚朴七物湯

大柴胡湯

烏頭煎

當歸生薑羊肉湯

烏頭桂枝湯

瓜蒂散

五藏風寒積聚篇第十一

麻子仁圓

甘草乾薑茯苓白朮湯

驚悸吐衄下血胸滿瘀血篇第十三

栝葉湯

瀉心湯

黃土湯

桂枝去芍藥加蜀漆牡蠣龍骨救逆湯

半夏麻黃圓

卷之四

卷之四

卷之四

卷之四

卷之四

御纂醫宗金鑑卷二十

訂正仲景全書金匱要畧註中之一

奔豚氣病脈證并治第八

師曰病有奔豚有吐膿有驚怖有火邪此四部病皆從驚發得之

按

篇中祇有奔豚一證而吐膿驚怖火邪皆簡脫必有缺文
師曰奔豚病從少腹起上衝咽喉發作欲死復還止皆從驚恐
得之

註

奔豚者腎病也以其病從少腹上衝咽喉有如豚竄奔突
之狀故名之也發作則腎氣上乘於心而欲死作已則氣

衰復還於腎而止故其病雖有微甚不同然必皆從驚恐得之蓋驚傷心恐傷腎兩藏交病也水能勝火腎上凌心故治法宜瀉腎而補心也

集註

張從政曰驚者爲自不知故也恐者爲自知也

周楊俊曰少陰脈循喉嚨因其所繫之經而上衝殊便也發汗後燒鍼令其汗鍼處被寒核起而赤者必發奔豚氣從少腹上至心灸其核上各一壯與桂枝加桂湯主之

註

此條與傷寒論同傷寒論中無發汗後三字而有太陽傷寒者加溫鍼必驚也十一字當從傷寒論爲是蓋明所以致驚之由非一端卽寒侵鍼處亦能爲是病也夫太陽傷

寒者加溫鍼必驚也。謂病傷寒之人卒然加以溫鍼其心必驚。非謂溫鍼之後必生驚病也。燒鍼卽溫鍼也。燒鍼取汗亦汗法也。鍼處宜當避寒。若不知謹外被寒襲火鬱脈中血不流行。所以有結核腫赤之患也。夫溫鍼取汗其法亦爲迅烈矣。旣鍼而營不奉行作解。必其人素寒陰盛也。故雖有溫鍼之火。但發核赤。又被寒侵。故不但不解。反召陰邪。而加鍼之時。心旣驚虛。所以腎水陰邪得上凌心陽而發奔豚也。奔豚者。腎水陰邪之氣從少腹上衝於心。若豚之奔也。先灸核上各一壯者。外祛其寒邪。繼與桂枝加桂湯者。內伐其腎邪也。

集註

周揚俊曰奔豚北方腎邪也燒鍼令汗縱不合法與少陰何與而作奔豚蓋太陽相表裏也鍼處被寒核起而赤吾知前此之邪未散而後此之邪復入惟桂能伐腎邪也所以用桂加入桂枝湯中一以外解風邪一以內泄陰氣也先灸核上者因寒而腫惟灸消之也

桂枝加桂湯方

桂枝

五兩

芍藥

三兩

甘草

二兩

生薑

三兩

大棗

十二枚

右五味以水七升微火煮取三升去滓溫服一升

奔豚氣上衝胸腹痛往來寒熱奔豚湯主之

註

奔豚氣上衝咽喉發作欲死是奔豚之甚者也氣上衝胸
腹痛往來寒熱是奔豚之微者也甚者以桂枝加桂湯從
腎逐陰降逆也微者以奔豚湯從心調血散逆也

奔豚湯方

甘草

芎藭

當歸

各二兩

半夏

四兩

黃芩

二兩

生葛

五兩

芍藥

二兩

生薑

四兩

甘李根白皮

一升

右九味以水二斗煮取五升溫服一升日三夜一服

集解

沈明宗曰用芎歸白芍甘草調養厥陰少陽血氣之正而

邪自外出以生葛黃芩半夏生薑佐李根解半表半裏之

寒熱而逆可散蓋奔豚雖屬腎病然兼厥陰少陽之邪而發者有之仲景用此方明非僅寒邪一端致然也

發汗後臍下悸者欲作奔豚茯苓桂枝甘草大棗湯主之

發汗後心下悸者心陽虛本經自病也臍下悸者腎邪乘虛上干心病也奔豚者臍下氣動而上衝也欲作奔豚者有似奔豚之狀而將作未作也茯苓桂枝甘草大棗湯所以補火土而伐水邪也上條發明外感寒邪能病奔豚此條更申明內有水氣亦能病奔豚也

集註

徐彬曰仲景論證每合數條以盡其變言奔豚由於驚又言其從少腹衝至咽喉又言其兼腹痛而往來寒熱又言

其兼核起而無他病。又言汗後臍下悸欲作奔豚而未成者。其淺深瞭然。用和解用伐腎。用桂不用桂。酌治微妙。奔豚一證。病因證治。無復剩義。苟不會仲景立方之意。則峻藥畏用。平劑寡效。豈古方不宜於今哉。

周揚俊曰。汗本心之液。發汗而臍下病悸者。心氣虛而腎氣動也。

茯苓桂枝甘草大棗湯方

茯苓

牛觔

桂枝

四兩

甘草

二兩

大棗

十五枚

右四味。以甘瀾水一斗。先煮茯苓減二升。內諸藥。煮取三

升去滓溫服一升日三服一作甘瀾水法取水三升置大盆內以杓揚之數千遍水上有珠子五六千顆相逐取用之

集解

程林曰汗後臍下悸者陽氣虛而腎邪上逆也臍下爲腎

氣發源之地茯苓泄水以伐腎邪桂枝行陽以散逆氣甘草大棗甘溫助脾土以制腎水煎用甘瀾水者揚之無力全無水性取其不助腎邪也

胸痺心痛短氣病軋證并治第九

師曰夫軋當取太過不及陽微陰弦卽胸痺而痛所以然者責其極虛也今陽虛知在上焦所以胸痺心痛者以其陰弦故也

計

胝太過則病不及亦病故胝當取太過不及而候病也陽微寸口胝微也陽得陰胝爲陽不及上焦陽虛也陰弦尺中胝弦也陰得陰胝爲陰太過下焦陰實也凡陰實之邪皆得以上乘陽虛之胸所以病胸痺心痛胸痺之病輕者卽今之胸滿重者卽今之胸痛也

集註

李紘曰內經云胃胝平者不可見太過不及則病見矣寸胝爲陽以候上焦正應胸中部分若陽胝不及而微則爲陽虛主病上焦故受病胸痺尺胝太過而弦則爲陰盛知在下焦故上逆而爲痛也

尤怡曰上焦爲陽之位而微胝爲虛之甚故曰責其極虛

平人無寒熱短氣不足以息者實也。

註

平人無病之人也。無寒熱無表邪也。平人無故而短氣不足以息之證不可責其虛也。此必邪在胸中痺而不通。阻碍呼吸當責其實也。

集註

李彥曰。上節云責其極虛。此又云實何也。經云邪之所湊其氣必虛。留而不去其病爲實是也。然短氣與少氣有辨。少氣者氣少不足於言。內經云言而微終日乃復言者此奪氣是也。短氣者氣短不能相續似喘非喘。若有氣上冲故似喘而不搖肩似呻吟而無痛是也。

尤怡曰。平人素無疾之人也。無寒熱無新邪也。而乃短氣。

不足以息。當是裏氣因邪而實。或痰或食。或飲碍其升降之氣而然也。

胸痺之病。喘息欬唾。胸背痛。短氣。寸口脈沉而遲。關上小緊數。枳實薤白白酒湯主之。

註

寸口脈沉而遲。沉則爲裏氣滯。遲則爲藏內寒。主上焦藏寒氣滯也。關上小緊而疾。小爲陽虛。緊疾寒痛。是主中焦氣急寒痛也。胸背者。心肺之宮城也。陽氣一虛。諸寒陰邪得以乘之。則胸背之氣痺而不通。輕者病滿。重者病痛。理之必然也。喘息欬唾。短氣。證之必有也。主之以枳實薤白白酒湯者。用辛以開胸痺。用溫以行陽氣也。

集注趙良曰凡寒濁之邪滯於上焦則阻其上下往來之氣塞

其前後陰陽之位遂令爲喘息爲欬唾爲痛爲短氣也

程林曰胸中者心肺之分故作喘息欬唾也諸陽受氣於胸而轉行於背氣痺不行則胸背爲痛而氣爲短也

栝蘘薤白白酒湯方

栝蘘實

一枚

薤白

半觔

白酒

七升

右三味同煮取二升分溫再服

胸痺不得臥心痛徹背者栝蘘薤白半夏湯主之

註

上條胸痺胸背痛尙能臥以痛微而氣不逆也此條心痛徹背不得臥是痛甚而氣上逆也故仍用前方大加半夏